

# 圖書館學與資訊科學 大辭典

## 序

曾濟羣

國家圖書館館長

民國 78 年夏，余正承乏國立編譯館館務，某日臺灣大學圖書館學研究所教授胡述兆博士來訪，告以圖書館學界擬籌編「圖書館學與資訊科學大辭典」，惟以缺乏機構協助，遲遲未能定案，乃徵詢於余，余當即承諾協助。蓋國立編譯館為國家之編譯機構，當以編譯鉅型之工具書，以協助學術研究為其目的，亦為余主持編譯館一貫之初衷也。

計議既成，胡教授乃提出編審計畫，遴聘各類主編及編審委員，製訂編審進度等，而余亦於編譯館之預算中，分年編列支應，大辭典之編撰工作乃告進行，於茲六年矣。六年來，余對胡教授、各位編審委員之熱心策劃，全神貫注，以及圖書館學界之合作，共策進行，印象深刻。由辭目之決定，體例之商討，乃至釋文之審訂，無不字斟句酌。而各類主編會議，幾每週一次，每次工作數小時，謹慎將事可知。

辭書者，乃書中之書也。其編撰工作之繁雜實非三言兩語所可盡述者。今書成，略綴數語，以明緣起並誌謝忱。期本辭書之編撰與出版，有助於圖書館學與資訊科學知識之傳播。是為序。

• 按曾濟羣館長為圖書館學與資訊科學大辭典編審委員會主任委員。